

AGENDRE FANEMA EHEHA

Minggu, 28 Mei 2023

PUKUL 10.30

1. FANGOWAI BA FOGAONI

(Tedöni dorosi¹, möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

Fangowai

SA Ya'ami banua Zo'aya. No oi owulo ita oi faondra ba wa'owuawua dödö, ba wanörö tödö Fanema Eheha Ni'amoni'ö. Ma owai ami ba döi Yesu Keriso, Ya'ahowu.

SATO Ya'ahowu.

SA Ya faofao khömi Lowalangi.....

SATO Ya fao khöu Geheha-Nia.

Fogaoni

SA Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangida. Tasuno Ia, manunö ita moroi ba Mbuku Zinunö numero: 119 : 1-2 **“HE YESU, BE GEHEHAMÖ”**

1. He Yesu, bè Geheha-Mö, dozigö zamati khö-Mö, Si möi fangehaogö dödö, dozi si no tana khö-Mö, niha ba gulidanö. Khö-U sa möiga, ba wanema si lö mamalö-malö. howu-howu soroi Nama, hakhösi tödö-U, So'aya.
2. Te'ala ba abu dödö, na lö khöma Eheha-Mö, sohagaini tödöma. Tebai matara lahe-Mö, na lö sangaro'ö tödö, sondrou' famatima.
Yesu, tolo, be'e khöma Geheha, sangabölö'ö, afu so wa'anau gölö.

2. FANGA'ARO'Ö WA'OWULO (VOTUM)

SA : Da tahonogö dödöda ba wariawösa, ba ba wahasambua khö Lowalangi, (*muzizio zato*)

¹Böi tobali tabitabi wamalua migu he na lö Torosi ba ma Koko.

No owulo ita ba da'e, ba dōi Lowalangi Ama, ba ba dōi Nono-Nia Yesu Keriso, ba ba dōi Geheha Ni'amoni'ö. Fangorifida ha ba dōi Yehowa si no momböi banua si ya'wa awö danö.....

SATO : YADUHU

SA : Ba Ube'e khömi dödö si bohau ba Eheha si bohau Ube'e ba dödömi bakha; tödö kara andrö, ba Uheta barö dotomi ba Ube'e khömi dödö nagole. Ba Eheha-Gu Ube'e ba dödömi ba mi'o'ö nifakhoi-Gu Ube'e, ba mitöngöni lala nibe'e-Gu ba mitörö².
HALELUYA.

SATO : **Haleluya,,,, Haleluya,,,,, Haleluya,,,,,**

SA : Mangandrö ita³:

He Yehowa Lowalangima! Nisuno dōi-Mö götögötö wa'ara, me no sebua tödö Ndra'ugö. No Öfatenge Geheha-U Ni'amoni'ö, ba wamohouni, ba wondrorogö, ba ba wanga'aro'ö ya'aga tobali ono sanema ondröita sebua böli, ya'ia wangorifi andrö ba khö Zo'aya ya'aga Yesu Keriso. No Öfatenge khöma, Geheha Ni'amoni'ö ba wamahaö ba ba wohagaini ya'aga banua-U. Mangalulu ndra'aga khö-U si fao fangidengide'ö ba wanema'ö Eheha-Mö, ena'ö l'ia gö dödöma. Aine khöma Eheha Ni'amoni'ö ba wangabölö'ö ya'aga ba wolo'ö somasi Zo'aya ya'aga Yesu Keriso, Yaduhu.

(mudadao zato)

MANUNÖ Buku Zinunö numero 125 : 1-2 **“HE YESU, YA IFATÖRÖGA”**

1. He Yesu, ya ifatöröga, Eheha Ni'amoni'ö.
Ena'ö oi oroma khöma, zi möi fangala ba dödö.
Bokai fefu hörö dödöma, wangi'ila soma si Nama.
2. Tebai ndra'aga ba wola'wa, era'era si tohöna.

² Taroma li bö'önia gamaudu ba introitus andre, tola mufaigi ba nga'örö nifaogö si sara, faosatö si-XII

³Fangandrö bö'öni ba migu föna wamakao Yesu andre, tola mufaigi ba nga'örö nifaogö si dua, faosatö si-V

Si tumbutumbu ba dödöma, ba döröwa wekolima.
Eheha-Mö bè ba dödöma, ena'ö so khöma wemöna.

3. FOMBASO TAROMA LI LOWALANGI (AF)

SA : Da tafondrondrongo daroma Li Lowalangi, tehalö moroi ba zura
1 Samueli 10 : 6-13

- 6 Ba so dania khöu Geheha Yehowa ba sama'ele'ö göi ndra'ugö, si mane ya'ira, ba tobali niha si bohoun dra'ugö.
- 7 Ba na ö'ila dania itörö dandra andrö, ba lau nilaumö, itolo'ö sa Lowalangi.
- 8 Ba taise mitou ba Giligala; ba möido dania khöu mitou, ba wame'e sumange nitunu, ba ba wanaba sumange fangorifi: fitu bongi base'ö, irege möido khöu, ba wangombakha khöu, he öwisa.
- 9 Ba me ibali'ö ia, ba wondröi Samuëli ba ifalalini döddönia Lowalangi, ba tandra no mege ba ahoi alua me luo da'ö.
- 10 Me larugi Gibeia andrö, ba faondra khönia zama'ele'ö, sambawá, ba so khönia Geheha Lowalangi, ba mama'ele'ö ia awöra.
- 11 Ba me la'ila ia dozi si no fa'ila li khönia föna, wa mama'ele'ö ia, awö zama'ele'ö andrö, ba faoma lamane khö nawöra sato: Hadia zi göna ono Kisi andrö? Hadia, awö zama'ele'ö göi Zaulo andrö?
- 12 Ba so ba da'ö zanema li, imane: Ba ha niha namará? Ba da'ö tumbu gamaedola andrö: Hadia, awö zama'ele'ö göi Zaulo?
- 13 Ba me no ibato wama'ele'ö, ba ifuli ia khöra.

SATO : Si manö daroma Li Lowalangi, da tatema'ö faoma sinunö: BZ.
Numero 120 : 1 **"HE YESU, BE GEHEHAMÖ EHEHA NI'AMONI'Ö"**

He Yesu, Be Gehehamö Eheha Ni'amonio

Sangiaö tödö ma.

Afu tödöma tehaogö abeta, zi löatulö, tebohouni ndra'aga

Aine khöma, Eheha Ni'amoniö soroi Nama
Sangabölö'ö ya'aga

4. FANGANDRÖ FANGEFA HORÖ

SA : Ya'ami ira talifusö,

Na tawa'ö lö horöda, ba talimo ita, ba si duhu lö'ö ba dödöda. Na ta'ombakha'ö horöda, ba lö faröi Ia, ba no satulö Ia, fa I'efa'ö khöda horö andrö, Ihaogö ita, awö wa Itheta fefu zi lö atulö. Andrö da möi ita föna Lowalangi si fao fangidengide'ö ba wangombakha horöda, (*muzizio zato*).

Mangandrö ita⁴:

He Yehowa Lowalangima si no fahöna fa'omasi ba niwöwöi-Mö fefu. Ma'ondrasi Ndra'ugö ma'ökhö andre, ba wangombakha khö-U, wa tenga sinangea ndra'aga wanema howuhowu, me no fahöna horöma; me lö khöma fanörö lala satulö föna-U, me ma'o'ö nikhoi dödöma sito'ölö andrö. Ba me no oroma khöma Geheha Ni'amoni'ö, sohagaini lalama, ba solohe ya'aga ba zi duhu, andrö ma'andrö khö-U: heta ba dödöma fefu zira'ira'io andrö, ba be'e aefa khöma horöma, ena'ö tola monaha ba dödöma, Zanolö, nifabu'u-Mö andrö, si no möi ba wanolo ya'aga ba wolawa afökha, sanandraigö ya'aga ero ma'ökhö; afu tola Ötandrösaigö khöma göi ngawalö howuhowu

⁴ Fangandrö fangefa horö bö'önia, tola mufaigi ba nga'örö nifaogö si tölu, faosatö si-V.

somasi'Ö, ba ena'ö sangila Lowalangi ndra'aga ba gamozua, ba zorugo yawa.

SA

Mangandrö ba dödö zamösana föna Lowalangi.....1 irugi 2 meniti.

SA

Hakhösi dödö-U khöma Ama, ba be'e aefa khöma horöma andrö ma'afefu...Yaduhu. **NA UBINI'Ö HORÖGU KHÖ YESU**

SATO

: NA UBINI'Ö HORÖGU KHÖ YESU

Na u - bi - ni 'ö ho - rö - gu khö Ye - su,
Ba lö u - sö - ndra za - ho - no dö - dö - gu.
U - 'o - mba - kha' ö nga - wa - lö ho rö - gu,
mo - la - la dö - dö.

SA : **Turia Wangefa horö⁵**: Fa'ahakhõ dõdõ sa, wa no auri ami, moroi ba wamati, ba tenga moroi khõmi da'õ, no buala Lowalangi. "Eheha andrõ ba no we'ewe'e dõdõda, ba gondrõita andrõ fefu, ya'ia wangõhõli andrõ ba fangorifi ba wanuno lakhõmi-Nia andrõ".

LAKHÕMIKHÕLOWALANGISI YA'WA.....

SATO : Manunõ: **450. BA FA'ATULÕ BA GULIDANÕ**

Ba fa 'a - tu- lõ ba gu-li - da - nõ ba ni - ha
Ni 'o - ma- si' õ a - ndrõ.

(mudadao zato)

5. FOMBASO TAROMA LI LOWALANGI (AB)

-
- ⁵ (15) Andrõ ya'odo gõi, me no urongo wamati andrõ,
ba khõmi, khõ Zo'aya ya'ita, Yesu, ba fa'omasimi ni'amoni'õ andrõ fefu,
- (16) ba lõ ubato wangandrõ saoha gõlõ, ba khõmi
andrõ, itõrõ ligu, ba wangandrõgu,
- (17) ena'õ ibe'e khõmi Geheha ba wa'atuatua andrõ
Lowalangi Zo'aya ya'ita andrõ, Yesu Keriso, Ama lakhõmi andrõ, Eheha ba
wama'ele'õ, ba wa'aboto ba dõdõmi ia.
- (18) Ena'õ tefehaga hõrõ dõdõmi, fa mi'ila hadia
dõtõnafõ, ba wogaoninia andrõ, ba he wisa, wa no a'oi so lakhõmi
gondrõitania andrõ, ba ni'amoni'õ andrõ,
- (19) ba he wisa ginõtõ wa'abõlõnia andrõ, si no
fahõna, ba khõda, samati, dali wolaunia ba wa'abe'e wa'abõlõnia andrõ.
- (20) Da'õ zi no i'oroma'õ ba khõ Keriso, me isusugi
moroi ba ngai zi mate, ba me ifedadao ba gambõlõnia, ba zorugo,
- (21) alawa yawa zamatõrõ andrõ fefu, ba yawa zalawa
andrõ, ba yawa zabõlõ, ba yawa zo'aya andrõ, ba yawa zi so tõi fefu, nitõtõi,
tenga ha ba gõtõ danõ da'e, ba gõtõ dania gõi.
- (22) Ba no ibe'e barõ gahenia fefu hadia ia, ba no ibe'e
hõgõ hadia ia fefu ia, ba mbanua andrõ.
- (23) si no tobali botonia, ahonoa zamo'ahonoa fefu
hadia ia, ba khõra fefu.

Da tafondrondrongo waõwaõ wolau Eheha Ni'amoni'õ :

(1) Manunõ moroi ba BZ no 119:1

1. He Yesu, bè Geheha-Mö, dozigö zamati khö-Mö, niha ba gulidanö.

Si möi fangehaogö dödö, dozi si no tana khö-Mö, si lö mamalö-malö.

Khö-U sa möiga, ba wanema howu-howu soroi Nama, hakhösi tödö-U, So'aya.

Fombaso Hal. Zin 2:1-4

- (1) Ba me luu wendrakose (si 50) ba no owulo ira fefu, ha sambua naha.
- (2) Ba i'ozumagö so zihöngö, si otarai mbanua si yawa, hulö na itörö angi sabölöbölö, ba ifönui nomo andrö, ma'asambua, ba zi dadao ira.
- (3) Ba oroma khöra dalinga wandru, si fabalibali, alitö wamaigira, ba idozigö ira, ahono ba högöra.
- (4) Ba fahöna khöra Geheha ni'amoni'ö, ba labörötaigö lalau li böö, si mane nibe'e Geheha khöra fanötöi.

(2) Manunõ moroi ba BZ no 119:2

2. Te'ala ba abu dödö, na lö khöma Eheha-Mö, sohagaini tödöma Tebai matara lahe-Mö, na lö sangaro'ö tödö, sondrou' famatima. Yesu, tolo, be'e khöma Geheha, sangabolö'ö, afu so wa'anau gölö.

Fombaso Hal. Zin 2:5-13

- (5) Ba so zi fatewu gana ba Yeruzalema, niha Yehuda, niha sangata'ufi Lowalangi, soroi fefu soi ba guli danö.
- (6) Ba me so zihöngö andrö, ba aekhu niha sato ba tobali dödöra, me larongo wehedera ba li khöra, dozi ira.
- (7) Ba tobali dödöra, dozi ira, ahölihöli dödöra ba

lamane: Hiza, tenga banua Galilaia ira, dozi sihede andrõ?

- (8) Ba he wisa wa tarongo lida, dozi ita, li ba danõda, ba zi tumbu ita?
- (9) Ya'ita Dawa Waretia ba Dawa Media ba Dawa Gelama, awõ zi so ba Mezofotamia, ba ba Yudaia ba ba Gafadokia, ba Wondro ba ba Azia,
- (10) ba Werigia ba ba Wambilia, ba danõ Miserayi ba ba danõ Libia, tánõ ba Girene, awõ zi fatewu gana ba Roma, niha Yehuda, awõ zi no mõi banuara,
- (11) Dawa Gereta ba Dawa Ara, ba tarongo, lalau lida, wangombakha segebua andrõ, nilau Lowalangi.
- (12) Ba tobali dödõra, dozi ira, lõ la'ila watahõgõ, faoma lamane khõ nawõra: He wisa da'õ dania?
- (13) Ba so zangaohangaoha õsa, lamane: Si mabu agu sami.

(3) Manunõ moroi ba BZ no 119:3

- 3. Mabe'e dödõma khõ-Mö, haogõ ba wa'omasi-Mö, fa'a bölö Geheha.

Tenawa zi lõ atulõ, si mõi fana'unõi dödõ, si tobali fangala.

Yesu be'e haga Geheha sangoroma lalama, Ena'õ lõ te'alaga.

Da tafondrondrongo Fombaso taroma Li Lowalangi si – 2 tehalõ moroi ba Zura **Roma 8 : 1-6**

- 1 Ba lõ'õ sa'ae fanibo zi so ba khõ Keriso Yesu.
- 2 Noa sa i'efa'õ ndra'ugõ ba goroisa horõ ba ba goroisa ba wa'amate andrõ oroisa Geheha sangorifi andrõ, ba khõ Keriso Yesu.
- 3 Si tebai goroisa andrõ sa, me no lõ abõlõ ia ibe'e õsi niha andrõ, da'õ nilau Lowalangi, wamatenge Ononia, famaedo nõsi niha andrõ, si no so barõ mbawa horõ, bõrõ horõ andrõ, ba no i'etu'õ huku horõ andrõ, ba nõsi niha,

- 4 ena'õ itõrõ niwa'õ ba goroisa andrõ, ba khõda, si lõ manõrõ lala nõsi niha, sanõrõ lala Geheha.
- 5 Si so ba lala nõsi niha sa, ba hadia ia ba nõsi niha lagohi tõdõra, ba si so ba lala Geheha, ba hadia ia ba Geheha lagohi.
- 6 Era'era nõsi niha sa, ba no fa'amate, ba era'era Geheha, ba no fa'auri ba fa'ohahau dõdõ.

Ya'ahowu zamondrongo taroma Li Lowalangi ba same'e ba dõdõ. (Luka 11:28).

SA+
SATO YADUHU

6. FASÖMBATA

SA : Iada'e tebe'e khõda ginõtõ ba wolohe fasömbatada khõ Lowalangi. Ta'osamuzaigõ wame'e, he fasömbata si fõfõna, ba si manõ gõi zi mendrua awõ zi medõlu ba untuk Dana Kemandirian BNKP Ba si fõfõna ua da tafondrondrongo Li Lowalangi me imane:

❖ Ba da'õ niwa'õgu: Na so zangatalisi tanõmõ, ba lõ oya'oya ibasi, ba na so zi lõ alimagõ tanõmõ, ba oya gõi ibasi dania. Ba balazi dõdõ zamõsana; bõi abu dõdõ, ba tenga niforege; si no aoha gölõ fame'e, da'õ sa zomasi Lowalangi.

SA : Tafa'ema fõna wasömbata khõ Lowalangi, ba manunõ ita moroi ba Mbuku Zinunõ numero 261 : **YA'E ZUMANGE**

1. Ya'e zumange fasömbata, ma'o he sumange Yehowa.
Reff : Ma'andrõ khõ-U fa-ho-wu'õ zu-mange ni 'o- he ma khõ-Mõ
2. Ya'e zumange fasömbata ma be'e soroi ba dõdõma.
Reff :Ma'andrõ khõ-U
3. Ya'e zumange fasömbata buala si'otarai Nama.
Reff :Ma'andrõ khõ-U
4. Ya'e zumange fasömbata, boto, noso, ba fa'aurima
Reff :Ma'andrõ khõ-U
5. Ya'e zumange fasömbata, lõ irugi zomasi dõdõ-U.
Reff :Ma'andrõ khõ-U
6. Ya'e zumange fasömbata, ma'aohasi gölõ Zo'aya.

Reff :Ma'andrö khö-U

“Da tafasao wasömbatada andre föna Lowalangi,
.....muzizio ita fefu.....

(mudadao zato)

7. MANUNÖ

SA : Da tafa'anö dödöda wamondrongo taroma Li Lowalangi, manunö ita moroi ba Mbuku Zinunö numero:

163. UHONOGÖ SIBAI DÖDÖGU

8. HUHUAO SEBUA

SH : Ya irorogö dödömi, awö gera'erami fa'ohahau dödö andrö, khö Lowalangi, sabölö moroi ba gera'era niha fefu, ba khö Keriso Yesu. Mangandrö ita.....Yaduhu.

SATO : Manunö : BZ. Numero 154: 1 ba ma zui Numero 156:1

NO MAFONDRONDRONGO LIU.

1. No mafondrondrongo li-U, Lowalangi So'aya.
Tanö ba dödöma ia, fa böi olifuga.
Fahowu'ö ia khöma ena'ö ohahau dödöma fefu.
Heta ba dödö zi lö sökhi ma'o'ö ni wa'ö-U.

9. TUHO WAMATI

SA : Me no tarongo daroma Li Lowalangi, ba da tafaogö lida wamaduhu'ö famatida ya'ita niha Keriso föna Lowalangi, muzizio ita fefu..... endronga lida:

SA+ : ❖ Ya'o mamati khö Lowalangi Ama si lö ambö fa'abölö, somböi banua si ya'wa awö danö.

SATO

- ❖ Ya'o mamati khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, ono nono alawe Ia, no manaögö huku Ia, barö mbawa Fondrio Filato, teforöfa Ia, mate, ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.

- ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha

ni'amoni'ö, ba fangefa horö, ba femaoso mboto zimate, ba fa'auri silöaetu. Yaduhu.

(*mudadao zato*)

10. FOMBASO WARTA JEMAAT

11. FAMALUA FEMAGA GÖ NIAMONI'Ö

12. FANGANDRÖ SALAHI + FANGANDRÖ ZO'AYA + HOWUHOWU

SH Muzizio ita fefu, mangandrö ita: (tetohugö) : Ba döi Zo'aya ya'aga Yesu Keriso, si no mamahaö ya'aga ba wangandrö mamane:

SH+S He Ama khöma si so ba zorugo, ya te'amoni'ö döi-U. Ya tobali
ATO banua-U fefu niha, ya itörö zomasi Ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sôkhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu.

SH **FAMATENGE + HOWUHOWU:**

Mi'angawuli si fao fa'ohahau dödö, ya tobali ami sura Keriso, samaduhu'ö Ya'ia ba lala wa'aurimi sero ma'ökhö, ba mitema (tatema) howuhowu Lowalangi:

- ❖ Ya mufahowu'ö ami/ita Lowalangi, Ya murorogö ami/ita
- ❖ Ya mufohaga mbawa-Nia khömi/khöda, Ya mu'ebua'ö dödö-Nia khömi/khöda
- ❖ Ya mufalemba hörö-Nia khömi/khöda, Ya mube'e wa'ohahau dödö khömi/ khöda fefu. Yaduhu.

SATO manunö ita moroi ba Mbuku Zinunö, numero...,
308 : 1 "TANGA YESU NO ARO"

1. Tanga Yesu no aro, lö manö Iböhölido.
Sondrorogö ya'odo, ena'ö lö te'alado.
Lö mangiwa dödögu So'aya zi fao khögu

SH Ya'ahowu⁶
SATO Ya'ahowu

